

保嬰撮要卷十四

續集

薛氏醫按

吳郡薛 已著

江都吳中珩校

肺癰肺痿一

齊氏云肺癰肺痿因脾肺氣虛勝理不密外邪所乘
或母食辛辣厚味遺熱於兒或兒有病過於汗下內
亡津液虛火燥肺或服尅伐之藥虧損脾胃不能生
肺金其症惡風咳嗽鼻塞項強呼吸不利甚則四肢
微腫咳唾膿血若吐臭穢胸中隱痛脉數而實者爲
肺癰咳唾涎沫脉數而虛者爲肺痿惡寒喘嗽者寒

邪內蘊也小青龍湯咳唾膿穢者肺癰內潰也桔梗
湯竊謂前症若喘咳短氣者脾肺氣虛也五味異功
散咳唾膿痰左尺脉數而無力者腎氣虛也六味地
黃丸咳唾膿痰右關脉數而無力者脾氣虛也七味
白朮散若發熱喘嗽唾膿不食者脾肺虛甚也難治
大要補脾肺滋腎水爲善仍番五臟相勝乳母七情後症做此
一小兒感冒停食吐瀉用疎利之劑咳嗽膿血此中
氣復傷而變肺癰也用桔梗湯而愈後咳嗽吐血仍
用前藥佐以異功散而痊

一小兒停食服瀉藥而變肺癰余先用異功散以救

脾肺次用桔梗湯以治肺癰而瘥

一小兒停食服尅伐之藥唾痰腥氣面赤氣喘此元氣復傷而成肺癰也用桔梗湯膿痰填止翌日喘甚此脾氣虛而不能生肺也用異功散加杏仁百合而愈後小便澁滯服八正散小便愈澁咳嗽吐痰面赤盜汗余謂肺氣虛熱前藥虧損真陰虛火爍肺金而然用異功散以補脾土地黃丸以滋腎水遂愈

一小兒肺癰愈後咳嗽面色白或痿黃手足冷小便頻此因脾虛不能生金也服參蘇飲之類白汗盜汗昏憤發搐遺尿下氣手足如水面色青白此陽氣脫

而虛寒也用人參一兩乾薑二錢大棗五枚米泔煎
沸先灌一杯將熟又灌二盃連用二劑而甦更朝用
補中益氣湯夕用異功散而愈

一小兒十五歲因勞傷元氣而咳嗽誤用表散之劑
復傷肺氣成癰咳嗽膿血用桔梗湯爲主佐以異功
散膿漸少專用異功散膿止而愈後因書課過勞自
汗時嗽服外感藥咳嗽益甚胸膈痞滿呼吸不利余
謂脾肺之氣虛甚而然用參芪補脾湯而痊

一小兒咳嗽服參蘇飲而益甚右寸關之脉浮散余
謂此風傷皮毛熱傷血脉血氣稽留蘊結於肺而成

癰也不信仍服表散壅咳膿血余曰此因肺虛不能攝氣脾虛不能攝涎耳當補脾土以生肺金又不信果歿

一小兒感冒咳嗽發散過度喘促不食痰中有血余用桔梗湯而愈後元氣未復大便秘似痢或用芩連枳實之類變慢脾風而卒

小青龍湯治傷風冒寒咳嗽喘急肺脹胸滿鼻塞流涕或乾嘔熱咳或作渴或作噎或小便不利或小

腹脹滿

此仲景之法審有是症用之及時殊有良驗

麻黃

去節

赤芍藥

半夏

各七錢

細辛

乾薑炮

甘草炙

桂枝

各三錢

五味子

半兩

附子

二錢 浮不用

右每服二錢水煎

桔梗湯治咳嗽膿血腥穢已成癰症

桔梗

炒

貝母

去心

知母

炒

桑白皮

炒

枳殼

各二錢

地骨皮

瓜蒌仁

薏苡仁

杏仁

炒五

當歸

黃芪

炒各一錢

五味子

炒

百合

炒各一錢五分

防己

一錢

甜葶藶

炒五分

右每服二三錢水煎

升麻湯治肺癰膿血穢臭胸乳皆痛

升麻

桔梗炒

薏苡仁

地榆

條芩炒

牡丹皮

芍藥炒

甘草各等分

右每服二三錢水煎

排膿散治肺癰此方排膿補肺

黃芪鹽水拌炒

白芷

人參

五味子炒研碎各等分

右為末每服一二錢蜜湯調下

射干湯治胃脘癰吐膿血

射干 去毛

梔子仁

赤茯苓

升麻

赤芍藥 一兩三錢

白朮 五錢

右每服三五錢水煎人地黃汁少許再煎服

人參平肺散治心火尅肺金傳為肺癰咳嗽喘嘔痰

涎壅盛胸膈痞滿咽嗑不利

人參

陳皮

甘草

地骨皮

茯苓 各二錢

知母 炒七錢

五味子 炒

青皮

天門冬 去心四分

桑白皮 炒一

右每服二三錢

參芪補脾湯治肺癰脾氣虧損咳吐膿涎或中滿不食必服此藥補脾土以生肺金否則不治

人參

白朮

各二錢

黃芪

炒二錢五分

茯苓

陳皮

當歸

各一錢

升麻

三分

麥門冬

七分

五味子

杵四分

桔梗

炒六分

甘草

炙五分

右作三服薑棗水煎

人參補肺湯治肺症咳喘短氣或腎水不足虛火上

炎痰涎壅盛或吐膿血發熱小便短瀝

人參

黃芪

炒

白朮

茯苓

陳皮

當歸各一錢

山茱萸

乾山藥

五味子杵

麥門冬

去心

甘草

炙

熟地黃

自製

牡丹皮

各五分

右每服五錢水煎服

五味異功散

方見用敗毒之藥

七味白朮散

方見發熱不止

腸癰

二

張仲景云腸癰之症因飲食積熱或母食辛熱之物所致小腹按之則痛小便數似淋腹急惡寒身皮甲

錯或自汗惡寒若脉遲緊未有膿者用仙方活命飲以解其毒脉洪數已有膿者服太乙膏以下其膿小腹疼痛小便不利者膿壅滯也牡丹皮散主之竊謂經云腸癰爲病不可驚驚則腸斷而死故坐臥轉側之間須令徐緩時少飲薄粥及用八珍湯固其元氣靜養調理庶可保

一小兒小腹痛作痛小便如淋身皮甲錯此腸癰也膿已成用薏苡仁湯排膿散而痊

一小兒腹中作痛時或汗出身皮甲錯小便如淋脉滑數膿已成也用大黃湯一劑下膿甚多又用薏苡

仁湯而痊

一小兒小腹痛脉浮數按之遲緊不時畏寒大便或欲去而不去小便頻而短此爲腸癰但膿未成耳不信或作痢症恪用清熱分利之劑諸症蜂起而歿一小兒停食腹脹痛二便不利服草果良薑之類更加發熱作渴脉洪大而數余曰此飲食滯而蘊熱將成膿矣前藥非其治也不信仍復之腹發赤暈大便秘下膿而歿

一小兒患腸癰先用太乙膏後服牡丹皮散下膿而愈後因跌腹內作痛遍身皆赤良久身黯而歿蓋腸

斷發也

大黃湯治腸癰小腹堅腫按之則痛肉色如常或厥赤微腫小便頻數汗出憎寒脉遲緊膿未成也急服之

大黃

炒

朴硝

各二錢

牡丹皮

瓜蒌仁

桃仁

去皮尖各二錢

右每服二三錢水煎

薏苡仁湯治腸癰腹中痛煩躁不安或脹滿不食小

便澁滯

薏苡仁

牡丹皮

桃仁

各三兩

瓜蒌仁 四兩

右每服四錢水煎

桃仁湯治腸癰腹中痛煩躁不安壅痛大便閉澀亦有繞臍生瘡者但用此藥無妨

桃仁

大黃 炒

牡丹皮

芒硝

犀角 鎊

冬瓜仁 研各二錢

右水煎入犀角末服

牡丹皮散治腸癰腹濡而痛時下膿汁或下血

牡丹皮

人參

天麻

白茯苓

黃芪 炒

薏苡仁

桃仁

白芷炒

當歸

川芎

官桂

甘草各五分

木香二分

右每服三五錢

仙方活命飲方見熱毒瘡瘍

太乙膏方見跌撲外傷

八珍湯方見發熱不止

痔瘡二

痔瘡之症或因稟受胎毒或膏粱食積或母食炙博厚味所致腫痛者濕熱作痒者風熱便秘者火盛膿

潰者血熱濕熱加味槐花散風熱秦艽蒼朮湯便秘
清燥湯膿潰黃芪散薰洗則葱湯槐角五倍子等藥
或真蒲黃以猪脂調敷如有兼變之症參各門治之
一小兒患痔赤腫作痛用黃連解毒湯而痛止又用
托裡清肝散及加味槐角丸而瘡愈

一小兒因飲食停滯發熱患痔大便不利腫痛寒熱
不時發搐此脾氣傷而肝乘之也先用保和丸末二
錢以柴胡山梔煎湯調服食消搐止又用四味肥兒
丸數服而愈

一小兒十二歲不戒厚味醇酒不時作痛或大便秘

結小便澁滯用龍膽瀉肝湯治之而安後飲燒酒前
症復發遍身色赤煩躁飲冷醋半鍾赤熱悉退腫痛
頓減

一小兒因乳母食炙煨之物肛門腫痛用清胃散母
子並服子又服四味肥兒丸而愈後因乳母恚怒胸
脇作痛頻飲糖酒兒病復作發搐母先服加味小柴
胡湯二劑次服加味逍遙散兒服四味肥兒丸而愈
一小兒肛門腫痛大便不通服大黃之藥腫痛益甚
虛症並作仍欲攻瘡余曰此因脾氣復傷而然也用
異功散加升麻柴胡爲主佐以加味槐角丸腫痛漸